



UNIVERSITÄTS-  
BIBLIOTHEK  
PADERBORN

**Assertiones Philosophicæ Fusius Deductæ Philosophiæ  
Peripateticæ communioris Epitomen exhibentes**

**Leuren, Peter**

**Coloniae Agrippinae, 1681**

Dissertatio XVI. De Duratione & Tempore.

---

[urn:nbn:de:hbz:466:1-71607](#)

## DISSERTATIO XVI.

*De Duratione & Tempore.*

I. **D**URATIO seu perseverātia rei in extendo & continuatio essendi (ad eumque in rigore sumpta, supponens primum esse seu instans rei, quo incipit esse, & inchoativē durat) non est ipsa rei entitas & tempus extrinsecum, cui illa coëxistit; sed forma iis superaddita, defigēs rem in hoc vel illo tempore extrinseco, reali vel imaginario; potest enim existere entitas Petri & hodierna dies, & tandem non existere duratio Petri hodierna, seu Petrus durare hodie. Dumq; Petrus à Deo petit durare cras, non petit suam existentiam, neq; existentiam diei crastinæ; similiter dum Deus vult vel videt, Petrum coëxistere crastinæ diei, vult utiq; aliquid distinctum ab existentia Petri & existentiâ crastinæ diei; ideoquæ eo ipso, quod existat Petrus, & existat dies hodierna, non coëxistit Petrus diei hodiernæ, nisi rō existat accipiatur cum statu verbi, consignificando tempus præsens, quo profertur propositio hæc; verū tunc involvit

volvit ista coëxistentia quid superadditum, &  
poni nequit ista existentiarum simultas absq;   
superaddita iis duratione. Hinc tamen non  
sequitur, etiam rem durantem coësistere suæ  
durationi , aut unam durationem alteri per  
aliquid tertium iis superadditum , cùm du-  
ratio , utpote determinatio rei ad certū tem-  
pus, sit ipsa certo tempori affixa, hinc licet à  
Petro sit distincta ejus duratio crastina , non  
potest tamen Deus eam producere hodie.  
Qualiter, quia etiam Deus indifferens non est  
ad coëxistendum huic aut illi tempori , sed  
necessariò omni tempori præfens est , durat  
quoq; per suam entitatem ; licetq; hodie non  
duret cras , sive non coëxistat diei crastinæ ,  
quæ hodie nondum est , habet tamen hodie  
totum id, à quo determinatur ad existendum  
cras & semper. Et qualiter è contra quia  
V. G. turris per suam entitatem præcisè in-  
trinsecè immutatam non correspondet præ-  
terlabenti tempori, sicut in medio fluminis  
locata per ubicationem permanentem sibi  
superadditam immutatam , utpote corre-  
spondentem eodem spatio imaginario suffi-  
cienter correspondet partibus præterlabentis  
aque, & determinata est, ad fundandam vel

terminandam relationem distantiae vel instantiae inter se & partes aquae, acquirere ubi cationes magis vel minus distantes; coexistit fluenti tempori non nisi per durationem sibi superadditam fluentem. E contra ex dictis sequitur quidem, relationem praedicamentalem, ad quam requiritur extremorum co-existentia actualis, esse quid distinctum a fundamento termino & ratione fundandi secundum se spectatis; verum ubi haec quæstio tractatur, tantum in controversia est, num sit quid ab his tribus sibi co-existentibus, seu simul durantibus distinctum.

II. Verisimilius est, durationem non distinguere a conservatione rei; utriusque enim idem est conceptus & effectus formalis, nimirum esse permanentiam *ut quo* rei in esse ( ipsa enim res est permanentia *ut quod*, si-  
ve id, quod permanet in esse ) tollere indi-  
ferentiam rei, & determinare illam ad per-  
manentendum in esse pro hoc vel illo tem-  
pore: Adeoque hoc ipso res determinata  
est ad durandum hoc tempore, quod conseruetur hac numero conservatione.  
Hinc prius non est, rem esse aut produci,  
quam

quām rem esse aut conservari ( intellige conservatione inchoativa ) in hoc tempore ; nisi prioritate aliqua logica , quatenus bene dico : res est in hoc tempore , ergo est , non vice versa , res est , ergo est in hoc tempore . Hinc quoquè motus , qui cum sua duratione identificatur , idem nequit esse tardior & <sup>tas</sup> velocior ; velocitas enim & tardior non sunt accidentia physica motus in particulari , sed logica motus in communi , sicut rationale est accidens logicum respectu animalis in communi .

III. Duratio rerum creatarum tam permanentium , quām successivarum est flens , seu habens partes post partes . Si enim duratio Petri , quā hic durat 50. annis , est tota simul hodie , ergo Petrus hodie durat , seu coëxistit 50. annis ; hæc enim est denominatio & effectus formalis hujus formæ seu durationis ; & consequenter si Petrus habeat hodie simul rationem formalem durandi 50. annis , intra 50. annos à Deo erit inannihilabilis ab intrinseco , quod perfectissimo Dei in creaturas suas Dominio repugnat . Implicat itaq; rem , quæ non durat essentialiter , sine

16 muta-

mutatione intrinseca , sive per durationem permanentem coëxistere diversis temporibus. Cui non obstat , rem per eandem ubicationem permanentem coëxistere præterlamenti aquæ , quia talis res semper perseverat in eodem spatio , non autem in eodem tempore reali vel imaginario. Nequè quod Angelus per ubicationem indivisibilem coëxistat spatio divisibili ; hoc enim non repugnat Dei in creaturas dominio sicut alterum , & sufficienter adhuc determinatur Angelus hac ratione ad existendum in eodem spacio.

IV. Duratio rerum permanentium , prout abstrahit à creata & increata , alia est aeternitas , seu duratio increata Dei , quam bene definit Boëtius , quod sit *interminabilis* (intellige ab intrinseco ) *vita* , *tota simul & perfecta possessio* : adeoquè non mensurabilis à differentiis nostri temporis ; nō enim , ut Plato inquit : *erat & erit , quæ sunt segmentata temporis , rectè aeternæ substantiae assignamus* : sed est veluti unum nunc stans & instans perpetuum juxta illud , quod ipse inquit in Exodo : *ego sum , qui sum : cui fixo & immobili coëxistant omnia nostrorum temporum saecula*

sæcula præterlabentia, ideoqùe virtualiter divisibile, & consequentiale, ut in eo verificari possint contradictoriæ. Alia dicitur ævum, & est duratio rei creatæ permanentis, ex natura sua indefectibilis, potentis tamen absolutè à Deo destrui. Alia modus ævi, & est duratio rei permanentis naturâ suâ defectibilis. Alia instans angelicum, & est mora vel duratio unius operationis angelicæ, vel plurium compōssibilium & subordinatarum, quo ad terminum permanentium quidem, ex natura tamen sua defectibilium; cui tunc censetur succedere aliud instans angelicum, quando inchoatur operatio alia, vel cum priori incompossibilis, vel illi non subordinata.

V. TEMPUS juxta Arist. est *numerus & mensura motus secundum prius & posterius*: id est, est duratio motus, seu potius numerus & multitudo partium durationis motus, quatenus apta est mensurare rerum aliarum, tam permanentium, quam successivarum durationes. Unde licet cujuscunqùe creaturæ duratio, utpote quid successivum, & quod respectu aliarum rerum habere potest rationem mensuræ, dici possit quodammodo

tempus; sola tamen duratio motus rei fluentis ( qualis sunt productiones continuae ubicationum aliarum & aliarum post alias & alias ) utpote cuius partes fluentes imaginis notantur & numerari possunt, magis propriè dicitur tempus. Et quidem propriissimè sola duratio motus cælestis; huic enim conditiones ad optimam mensuram requisitæ convenient, cum sit omnium notissima, omnibus communis, invatibilis & constans, à Deo ad hoc ordinata juxta illud Gen. fecit luminaria, ut essent in signa & tempora, dies & annos &c. Unde licet hujus solaris circumvolutionis & motuum cælestium duratio respectu ipsiusmet motus per partes sibi succedentes continuati sit tempus illius intrinsecum, sitque ipsa in tempore alio imaginario, aut etiam mensurari possit juxta motum rerum aliarum, adeoque sit in tempore reali particulari alio, non sequitur, illam non esse tempus reale universale aliarum durationum. Arist. verò contrarium docere visus, dum inquit, constare tempus non esse motum, sic est intelligendus, quod motus, quatenus est motus seu actus entis in potentia.

potentia &c. non sit tempus. Et ex his quo-  
què patet, tempus non esse ens rationis ;  
quamvis enim ab intellectu motus cælestis  
constituatur in ratione mensuræ actu men-  
surantis , non tamen constituitur in ratio-  
ne mensuræ aptitudinalis, sicut ab eo non  
constituitur in ratione durationis successi-  
væ rei successivæ. Et hoc vult Arist. docens  
impossibile fore tempus , si anima esset im-  
possibilis. Nequè huic realitati temporis  
obstat, quòd nulla determinata pars tempo-  
ris sit præsens præsentia permanente ; sufficit  
enim partes illius aliquando præsentes esse,  
fuisse vel fore præsentia fluente, fuisse què ali-  
quando in facto esse fluente, continuari què  
inter se unionibus fluentibus in infinitum, uti  
& ipsæ partes, divisilibus.

VI. Tempus imaginarium est duratio  
possibilis alicujus motus , quem imagina-  
muri nobis veluti actu extendi in infini-  
tum, seu continuari semper, & æquabili flu-  
xu & ordine partium suarum defluere in,  
vel potius juxta æternitatem divinam. At-  
què hinc rem esse in tempore imaginario,  
est rem habere actu durationem intrinse-  
cam correspondentem illi durationi , quam  
talis

talis motus habet inesse possibili. Qualem durationem, cùm Deus de facto habeat, ha-  
habueritqùe semper, bene dicetur esse &  
fuisse in tempore imaginario.

VII. Res omnes tam permanentes, quām  
successivæ, tam corporeæ, quām spirituales,  
propriè incipiunt intrinsecè seu per primum  
sui esse ( quæ incepio per primum esse sic  
explicatur : nunc res est, quæ immediate ante  
non erat ) & non extrinsecè sive per ulti-  
mum sui non esse ( quæ incepio sic explica-  
tur : res, quæ nunc non est, immediate post  
erit ) res enim dici debet incipere, quando  
verè est, & quando ex futura fit præsens, sed  
pro isto instantे extinseco necdum verè est,  
& non magis in illo instantē existere incipit,  
quām ante centum annos ; econtra definit  
res omnes, non intrinsecè seu per ultimum  
sui esse ( quæ desitio ita explicatur : res, quæ  
nunc est, immediate post non erit ) sed ex-  
trinsecè seu per primum sui non esse ( quod  
sic explicatur : res, quæ immediate ante fuit,  
nunc primò non est ) per primum enim non  
esse ex præsenti fit præterita, & verè non est.  
Sic dicitur prium esse formæ esse prium  
non esse privationis. Et si res permanentes  
inci-

inciperent per primum sui esse, & desinerent per ultimum sui esse, jam forma vetus erit simul cum forma de novo inducta. Illud hic observandum: dum dicuntur res incipere & desinere in instantे, per *tò instans* non intelligi aliquid indivisibile temporis ( qualia indivisibilia negavimus dari in tempore) sed ipsum divisibile tempus, cui primum esse rei incomensurabiliter correspondeat, sicut indivisibile spatio divisibili: ipsamque productionem substantiæ, aut qualitatis, quæ contrarium non habet, dici instantaneam, non quasi ipsa indivisibilis sit, correspondeatque indivisibili temporis, sed quod terminus hujus actionis non producatur per partes, sed sit totus simul.

VIII. Nulla creatura, neque permanens, neque successiva potuit esse ab æterno. Primò enim, si tepus aliudve successivum fuisset ab æterno, jam fuissent infiniti anni, infinitæ cælorum circumvolutiones, in hoc infinito annorum præteriorum forent anni dispares & pares, & non forent; nullus enim erit par, cui aliis non correspondeat: in summa, argumenta ferè omnia supra allata contra infinitum categorematicum, pugnant contra  
æter-

æternitatem rei successivæ. Quinimò ex eodem capite repugnat quoquè, rem permanentem fuisse ab æterno, cùm implicet eam fuisse ab æterno, quin ejus duratio ( quæ est ens successivum ) pariter fuerit ab æterno. Secundò in ente successivo datur pars incipiens, alia desinens, sed repugnat aliquid ab æterno desinere, ergo repugnat dari ens successivum ab æterno. Minor probatur: illud non desinit ab æterno, cuius desitione datur quid prius, sed omni desitione datur quid prius, nempe ipsum esse rei: ergo. Similiter quod essentialiter includit prius & posterius, uti facit ens successivum, non potest esse ab æterno, cùm enim posterius non sit tunc, quando est prius, sed sequatur post prius, si posterius non erit ab æterno, nequè prius erit ab æterno, sed posterius non est ab æterno, cùm illud præcedat prius, ergo nec prius est ab æterno, cùm illud immediate sequatur aliquid, quod non est ab æterno. Tertiò, quod æternitatem rei permanentis oppugnat peculiariter: SS. PP. ex æternitate Verbi probant, illud non esse creaturam; sic enim habet D. Aug. Lib. contra Petil: *creatura est ex eo, quod adhuc non est, aut aliquando non fuit:*

suit : D. Athan. L. 3. contra Arianos : *pro-*  
*priū est creaturis, ut non sint, priusquam siant,*  
*& ex non entibus ad naturam entium perve-*  
*niant. Unde bene dicitur, quod productio-*  
*nē creaturæ præcesserit ejus negatio, adeo-*  
*quæ hanc, utpote negatione sua posteriorē,*  
*non esse ab æterno. Ad hæc, lapis ab æterno*  
*creatus in aëre decem passibus à terra , non*  
*potuisset descendere in terram , nisi post*  
*tempus infinitum, aliàs sequeretur, rem æter-*  
*nam non præcedere temporalem nisi tem-*  
*pore finito. Implicat itaque aliquid creari*  
*seu ex nihilo produci, quamvis non repugnet*  
*aliquid , quod æternitate increata æternum*  
*est, produci ab æterno, ut videre est in Ver-*  
*bo. Quare etsi creatura possit esse priùs &*  
*priùs, sive ante omne tempus determinabile,*  
*non tamen esse potest ante omne collectivè*  
*& indeterminatum tempus , quod est , eam*  
*esse posse ab æterno. Et licet Deus ab æterno*  
*habeat potentiam producendi creatu-*  
*ram, non habet tamen ab æterno potentiam*  
*producendi creaturam ab æterno ; sicut ego*  
*in tenebris potens sum videre, sed non videre*  
*in tenebris. Unde tamen non sequitur, De-*  
*um post æternitatem factum potentiorem ,*  
*cùm*

cum potentiam, quâ producit aliquid in tempore, semper habuerit, et si ab ea semper non processerit effectus, quem semper esse conjunctum causæ primæ ob rationes supra positas repugnat, qualiter eum esse cù causa temporali secunda, non repugnat. Neque omnipotentia Dei hinc dicitur æterna, quod illi ab æterno potuerit effectus aliquis coexistere, sed quia ipsa ab æterno fuit, potueritq; semper priùs & priùs producere effectum.

## DISSERTATIO XVII.

### *De Generatione & Corruptione.*

I. **G**ENERATIO substantialis absolutè & in genere spectata, est productio compositi substantialis dependenter à materia materialiter causante formam & unionem, vel solam unionem substantialem. Generatio Aristotelica, sive quæ ordinariè & viribus naturæ sit, est *mutatio* (intellige causalis) *totius in totum* (id est, unius compositi in aliud compositum substantiale, non quod per generationem ordinariam omnes compositi præcedentis partes destruantur, sed quod